

Tuzla: Dvije maskirane osobe uz prijetnju vatrenim oružjem otuđile pazar Elektrodistribucije Tuzla



Dvije za sada nepoznate, naoružane, maskirane osobe, jučer su opljačkale radnika koji je prevezio novac u službenom automobilu iz više poslovnica Elektrodistribucije.

Ministarstvu unutrašnjih poslova Tuzlanskog kantona jučer je oko 15:50 sati prijavljeno razbojništvo nad radnikom zaštitarske agencije koji je vršio transport novca iz poslovnica Elektrodistribucije Tuzla.

Kako su za RTV Slon potvrdila je Amra Kapidžić, portparol MUP-a TK, razbojništvo se dogodilo u selu Orašje, odnosno zaseoku Vidakovići, a izvršili su ga dvije naoružane i maskirane za sada nepoznate osobe.

“Počinioci su presreli automobil marke “Škoda Octavija” te uz prijetnju vatrenim oružjem otuđili pazar Elektrodistribucije Tuzla kojeg je prevezio radnik zaštitarske agencije” kazala je Kapidžić.

U MUP-u TK još uvijek ne raspolažu informacijama koliko je novca otuđeno.

Istragu vrše pripadnici Odjela kriminalističke policije Policijske uprave Tuzla koji intenzivno tragaju za počiniocima ovog krivičnog djela.

O ovom događaju obavještena je i dežurna kantonalna tužiteljica.

Date: 15-08-2019